

I Perkara yang menarik perhatian saya adalah sikap murid lelaki yang tidak bertanggungjawab dalam menjaga harta bendanya. Ayahnya telah membelikannya sebuah kotak pensel yang baharu, tetapi dia tidak menjaga kotak pensel itu dengan baik. Dia cuai. Akibat sikap cuainya, kotak pensel yang baharu dibelinya hilang. Sikap tidak menjaga harta benda dengan baik boleh merugikan kita. Kadang-kala, benda yang hilang itu penting dan kadang-kala benda itu berharga. Jika benda itu penting dan tidak dapat digunakan apabila diperlukan, kita akan berasa tertekan dan marah. Jika sesuatu benda itu berharga dan kita tidak menjaganya dengan baik, kita akan kerugian. Ibu atau ayah terpaksa mengeluarkan belanja untuk mendapatkan barang yang hilang. Ini juga boleh menimbulkan kemarahan di pihak ayah atau ibu. Maka, setiap orang harus menjaga harta benda mereka dengan baik. Elakkan daripada sikap cuai.

II Ceitakan pengalaman kamu. Bila ? Di mana? Apa yang hilang? Bagaimana boleh hilang? Apakah yang kamu lakukan seterusnya? Apakah kesudahannya? Apakah yang kamu belajar daripada peristiwa itu?

III. Untuk menggalakkan setiap pelajar agar menjaga harta benda, pihak sekolah boleh mengadakan ceramah (talk) semasa perhimpunan sekolah (assembly) mengenai kepentingan menjaga harta benda. Penceramah oleh terangkan tentang akibat tidak menjaga harta benda awam.

Pihak sekolah juga boleh mengadakan sketsa (skit) semasa perhimpunan sekolah, yang menyampaikan mesej yang sama, iaitu menjaga harta benda.

Pihak sekolah juga dapat mengingatkan murid-murid tentang perkara itu dengan menampal poster-poster mengenai penjagaan harta benda. Poster-poster ini boleh dilekatkan di tempat-tempat yang ada ramai pengunjung, contohnya di kelas atau di kantin. Ini boleh menimbulkan kesedaran (create an awareness) dalam kalangan murid-murid untuk menjaga harta benda mereka.

Semasa pelajaran CCE juga, guru-guru boleh mengingatkan murid-murid tentang kepentingan menjaga harta benda. Pelajar juga perlu tahu akan akibat tidak menjaga harta benda. Jika mereka sedar akan kerugian yang dialami akibat tidak menjaga harta benda, pelajar-pelajar akan terdorong untuk menjadi lebih bertanggungjawab dalam menjaga harta benda mereka.

Sikap menjaga harta benda ini penting, lebih-lebih lagi apabila kita berada di luar negara. Jika kita terus cuai, mungkin kita boleh kehilangan passport, dompet yang mengandungi kad kredit atau bagasi. Jika ini berlaku, kita akan mengalami masalah besar untuk pulang ke tanah air. Percutian kita di luar negara juga akan menjadi satu pengalaman yang menyedihkan.